



# Synfocity = 434

18<sup>th</sup> April, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ MTC Graduation Day

April 18 (Ningani) chawhnu dar 1:00 khan Missionary Graduation Day hmasa ber Synod Conference Centre, Mission Veng-ah hman a ni.

Graduation Programme hi Rev. K. Lalrinkima, MTC Principal-in a kaihrui a, Inlawmna thu sawiin Reports a pe nghal. Rev. Lalrintluanga, Dean of Academics-in zirlai kal chhuak turte Inhmehriattirna hun a hmang a, Synod Moderator Rev. Lalramliana Pachuau-in Graduation Address a pe. Rev. Lalchhuanmawia, Synod Mission Board Secretary-in zirlaite hlanna hun a hmang a, Rev. Remlalfaka, MTC Lecturer leh Lalawmpuia Lungen, B.Miss. III, Student Body Secretary hnen atangin Inthlahna thu ngaihthlak a ni a, Mission Vengthlang Pastor Bial Zaipawlte an zai bawk. Zirlai tithate hnenah Rev. H. Lalrinmawia, Mizoram Synod Secretary -in lawmman a hlan a, Rev. Vanlalzuata, Senior Executive Secretary-in zirlai kal chhuak turte hnenah Certificate a hlan bawk. Pi Vanlalhawmi, MTC Lecturer-in Lawmthu sawina hun a hmang a, Rev. Prof. Vanlalchhuanawma, MTC Managing Committee Member-in Malsawmna sawiin programame a khar a ni.

Tun tumah hian B.Miss. zirlai 13 thlah an ni a, Missionary Training Colleg hnuai a B.Miss. zirlai chhuak hmasa ber an nih bakah Senate of Serampore College hnuai a B.Miss. zir chhuak hmasa ber an ni bawk. Graduation Day pual hian tlaiah chawhluil kilho nghal a ni.

## □ Kum 2013 Inthlanpui Inpuahchahna Seminar

April 16 (Thawhlethni) khan Mizoram People Forum (MPF) chuan Kum 2013 Inthlanpui Inpuahchah nan State Level Seminar, Synod Conference Centre-ah a buatsaih.

Seminar-ah hian District Forum tin aiawh mi 2 theuh, Aizawl khawpui chhunga Local Forum tin aiawh mi 1 theuh leh Aizawl khawpui chhunga Constituency tin aiawh mi 2 theuh tel tura sawm an ni a, mi 80 vel an kal a ni.

Seminar hi Session hnih-ah then a ni a, Rev. Lalramliana Pachuau, Synod Moderator & MPF Chairman ni bawkin programme a kaihrui a, Rev. Zawluhama'n hunserh a hmang a. Upa Lalramthanga, MPF General Secretary-in Thupuan tur tulte puangin Inhmehriattirna hun a hmang a, Ni. Judith Lalremruati leh Gospel Artist-te an zai bawk. District hrang hrang palaite hnen atangin reports ngaihthlak leh a ni a, Upa K. Malsawma, MPF Vice President hnen atangin Keynote Address ngaihthlak a ni bawk.

Chawhnu lamah Thupui zir ho a ni a, Dr. Lalbiakmawia Ngente, MPF Secretary paper buatsaih 'Kum 2013 Inthlanpui Inpuahchahna' tih thupui zir ho a ni a, zawhna leh chhanna hun hlawk tak hman a ni bawk.

## □ Synod Mission Board

Synod Mission Board chuan April 21 (Pathianni) chawhnu dar 1:30 hian Ramhlun Kohhran Biak In-ah Kawl Christian Fellowship Enkawltu Pastor Inhmehriattirna Inkhawm an buatsaih dawn a, Upa Lalrinmuana, Synod Mission Board Coordinator-in Inhmehriattirna leh chanchin sawina hun a hmang ang a, Rev. Lalchhuanmawia, Synod Mission Board Secretary-in Pathian Thuchah a sawi ang. Programme kimchang pheh lehlamah tarlan a ni.

## □ Synod Relief Fund

Mizoram Synod chuan tun hnaiah kangmei tuar leh thlipui tuarte hnenah Synod Relief Fund atangin hetiang hian tanpuina a pe :

Sl. No	Hming	Veng/Khua	Pek chhan	Pek zat Rs.
1.	Laldinpuia	Zawlpui	Kangmei tuar	5,000
2.	Kaplantanga	Zawlpui	Kangmei tuar	5,000
3.	S. Lalbiaknia	Zawlpui	Kangmei tuar	3,000
4.	Neihkima	Zawlpui	Kangmei tuar	3,000
5.	Rinnunhima	Zawlpui	Kangmei tuar	3,000
6.	Moilow	Zawlpui	Kangmei tuar	3,000
7.	Barsaia	Zawlpui	Kangmei tuar	3,000
8.	Ramfangzauva	Zawlpui	Kangmei tuar	3,000
9.	C. Lalremsiama	Zawlpui	Kangmei tuar	3,000
10.	Lalremthanga	Zawlpui	Kangmei tuar	3,000
11.	Biakchungnunga	Zawlpui	Kangmei tuar	3,000
12.	Upa Kibamoni	Mautlang	Kangmei tuar	5,000
13.	Lalramnghaka	Mautlang	Kangmei tuar	5,000
14.	Mui Chondro	Mautlang	Kangmei tuar	5,000
15.	Lalchhandama	Mautlang	Kangmei tuar	5,000
16.	Absaloma	Mautlang	Kangmei tuar	5,000
17.	Bathauhti	Mautlang	Kangmei tuar	5,000
18.	Sawmpoti	Mautlang	Kangmei tuar	3,000
19.	Mautlang Biak In	Mautlang	Kangmei tuar	10,000
20.	Boisnotiw/o Sikirai(L)	S. Chhimluang	Thlipui tuar	5,000
21.	Lushaihama	S. Chhimluang	Thlipui tuar	5,000
22.	Peter Lalrintluanga s/o T.C.Zairemthanga	N.Vanlaiphai	Kangmei tuar	5,000

## □ Kristian Thalai Pawl

◆ April 19-21 hian Zawlpui Bial huap Leadership Training Kauchhuah Kohhranah neih a ni dawn a, Training neipui tur hian CKTP hruaitu Tual Upa Lalhruaizela leh Tv. R. Lalramnghaka te an kal ang.

◆ Mizoram State AIDS Control Society (MSACS) leh National AIDS Control Organisation (NACO) ten April 17 -18, 2013-a Aijal Club Auditorium-a NE India Regional Workshop on Total Voluntary Blood Donation an buatsaihah Central KTP aiawhin Tv. R. Lalramnghaka a kal.

◆ Association for Voluntary Blood Donation (AVBD) ngenna bawhzuiin CKTP chuan May 2013 - March 2014 Blood Donation Calendar a siam a, Aizawl khawpui chhunga Bial 18 (Branch 79 awmna) ten Aizawl Civil Hospital-ah thisen an pe ang a, Bial 19 (Branch 66 awmna)-in Synod Hospital, Durtlangah an pe ang. Blood Donation Calendar hi siam chhonzawm zel tura ruahman a ni.

Contd...

- ◆ Thenzawl Bial KTP Leader, Thenzawl Vengthlang Branch Finance Secretary ni mek baw Pu Z.D. Lalmawia (k.39) chu April 13, 2013, 4:00 pm khan Aizawl Civil Hospital-ah lung lam natna leh thawhah vangin a thi. Tuikual Venga an chhungte inah a ruang hi chawlhpuia a ni a. Asst. Leader T. Upa Samuel Vanlalhlanga leh Pu Lalmuanpuia (Asst. Coordinator) ten a ruang thlahna inkhawm hmanpuuin Central KTP hmingin ralna Rs. 500/- an hlan a ni.
- ◆ Vawin (April 18) 2:00 pm khan Central KTP Committee meeting wavi 650-na chu Synod Committee Room No. 1-ah an thu.
- ◆ April 19 (Zirtawp) zan khan Mission Veng Kohhran Hall-ah Mizoram Synod Choir-ten music video album thar tur shooting an nei a. Hei hi kum 2012-a lo rel lawk tawh bawhzuina kal zel a ni.

□ **MSSU**

- ◆ April 20 (Inrinni) hian Lengpui Kohhranah Sunday School Zirtirtu Training neih a ni dawn a, training neihpuia tur hian T. Upa Lalhlhuna Ralte, MSSU Asst. Coordinator; Upa F. Zakhuma, Selesih leh Upa K. Vanlalghaka, Ramhlun East (MSSU Trainers) te an kal ang. Zan Pathian biak inkhawmah T. Upa Lalhlhuna Ralte-in Fanau enkawl (Child Evangelism) chungchang thuchah a sawi baw ang.
- ◆ April 20 (Inrinni) hian Darlung Kohhranah Sunday School Zirtirtu Training neih a ni dawn a, training neihpuia tur hian Upa B. Lalhmunliana, Bethlehem Venglai; Upa K. Zoremsanga, Kulikawn leh Pu H. Lalvulliana, Ramhlun Venglai (MSSU Trainers) te an kal ang.
- ◆ Kum 2012 MSSU Pathian Thu Exam Result leh Lawmman chu peih fel a ni ta a. Bial Secretary ten Synod Office, MSSU Department-ah lam theih a ni e.

□ **Kohhran Hmeichhia**

April 19 - 21 hian Thenzawl Field Veng Bial huapin Leadership Training & Kristian Chhungkaw Campaign neih a ni dawn a, hemi neihpuia tur hian Central Kohhran Hmeichhe hruaitu Dr. Vanlalhruaii, Asst. Secretary; Pi C. Romawii, Committee Member leh Pi Lalpianthangi, Committee Member-te an kal ang.

□ **Social Front**

Synod Social Front chuan Ni 100 Inhlawhna chungchang Talk Show a buatsaih dawn a, heta tel tura mi ruat bikten April 22 (Thawhtanni) chawhnu dar 2:00-ah Synod Committee Room No. 2-ah Thlirlawkna an nei ang.

□ **Hruaina Eng FM Radio & TV Programme**

◆ **APRIL 19 (FM Radio @ 7:30 p.m.) :**

**Choir:** Champhai Vengsang Bial Zaipawl - Lalpa Chu Chhuang Rawh Se, Kawrthah Kohhran Zaipawl - I Ropui Nan, **Thuchah:** C. Lalduhawma - Bawlhhlawh sawngbawl dan, **Group:** Makarias Brothers - Mangang leh lungngaia tan i tum te hian, **Solo:** Lalhmingliana Chhangte - Ka beisei ang ka chhandamna, Ruth Malsawmdawngliani Bawihlung - Hmangaih Pathian

◆ **APRIL 21 (TV Programme @ 3:00 p.m.) :**

**Zaipawl:** Chawnpui Pastor Bial Zaipawl - Wylwn, **Missionary Training College Bihchianna & Graduation Day**

□ **Susamachar Prasaran Programme**

**APRIL 21 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo:** Aizawl Venglai - Dil se me, **Group/Choir/Solo:** Central PYF Choir - Krus Par, **Sermon:** Rev PC Rohlira - Isu masi papyangko pyar kanewala, **Group/Choir/Solo:** Leitan South Masihi Sangati, **Group/Choir/Solo:** Zarkawt Masihi Sangati

□ **Moderator Programme**

Synod Moderator Rev. Lalramliana Pachuau chuan April 20 - 23 chung hian Tlabung Bial chhunga Kohhran hrang hrangte a tlawh ang.

**KAWL KRISTIAN FELLOWSHIP ENKAWLTU  
PASTOR INHMEHRIATTIRNA INKHAWM PROGRAMME**

**A hmun : Ramhlun Kohhran Biak In  
A hun : Ni 21.4.2013 (Pathianni) Chawhnu Dar 1:30**

Hruaitu	:	Rev. K. Lalhlhlanpuia, Director, Masihi Sangati Kendra, Bawngkawn
Bible chhiar leh tawngtai Zaipawl	:	Pi Lalthanzuali, Kawl Christian Fellowship Ramthar Veng, Aizawl. 1) Ramhlun Kohhran Kawl Christian Fellowship 2) Zuangtui Kohhran Kawl Christian Fellowship
Inhmelhriattirna leh chanchin sawi Zaipawl	:	Upa Lalrinmuana, Coordinator, Synod Mission Board Bawngkawn Masihi Sangati Kendra
Thusawi tawi	:	Rev. Vanlalmawia, i/c Kawl Christian Fellowship
Tawngtaisaktu Zaipawl	:	Rev. Thangzauva, i/c Ramhlun Pastor Bial 1) Dawrpui Kohhran Kawl Christian Fellowship 2) Ramthar Veng Kohhran Kawl Christian Fellowship
Thuchah	:	Rev. Lalchhuanmawia, Secretary, Synod Mission Board
Hla sak	:	
Malsawm tawngtai	:	

**KTP HRIATTIRNA**

PYF Biennial Conference, April 26 -28, 2013, Fiangpui Presbyterian Church, Halflong-a neih tur chu Autonomous Diistrict Council Inthlan (Dima Hasao District) a awm dawn avangin thulh rih a ni a. April 25 hian PYF Central Committee Silchar-ah an thu khawm ang a, a hun tur leh thil tul dang an ngaihtuah ang. Thu thar a awm veleh CKTP office atangin inhriattirna ni ang.

**General Secretary  
Central KTP**

